

## **1.8. LIANGKHON KATI RABO ZAI**

Lianglad katibo ga para kathiubo palam khat sirabo niu aliu lad hai English gu A B C sai suiuiu kati doa lakge. Lianglad nai English ra wadi ncham makge. Pakhon di tamme khatdi pakykhun (Language Family) di tamme. Lianglad niu Tibeto-Burman Family ye, English niu Indo-European lad ye. Siniu aliu Lianglad gu Class Room mide chiu sai aliu khon zai ga ma-ngiu khai lu kati ra kam rabowe. Liangmai Class gu Environment tamsinbo taliu raye.

Siniu Alphabet gasu suuiu aliu gu Grammar di makum mawi lu kati ra kam rabowe. Sizeng niu pariga Lianglad gu Alphabet leng pikhai bambo si aliu gu Sound System ga ma-ngiuh (Base) khai luuiu kam pad khaibowe. Pariga din mibo kumuiu Liangmai ladkeng ga Vowel khon gasu padraibo habo donniu, Vowel hai chaladkeng n-gang ga (Middle Position ga), pakhon phapad ra leng, Example si taliu khai bamme.

Haibo machun (Aim) ra Lianglad ga Siugiak (Vowel) khon haisi, haichiuuiu phapad rabowe, Pronounce kam rabowe chiubo lengnge. Haibo System hai makimai lad (Meiteilon) maksai khoumai lad (Hindi (Devanagri), Bengali, etc.) tu alibo makge. Chiudi haisi Ancient India (4th Century BC) gu Linguist Panini niu kambo Grammar System ga ma-ngiuh khajuiu kambo guye. Haibo zai ga thainai World gu thiuiu International Phonetic Alphabet di ma-ngiuh khajuiu kam bamme. Chiudi haibo Alphabet gu Sequence ra kadiubo zai (Order) ga taliu khaine di suiye. Mathiuniu nchambo ga khaibo suiye.

### **1.8.1. KHAGIAK PAARABO ZAI**

**p ph b**

**t th d**

**k kh g**

**m n ng**

**ch s z h**

**r l w y**

## Example

P niu Pengphai  
Ph niu Phaksi  
B niu Bamre  
T niu Taza  
Th niu Thingna  
D niu Diuga  
K niu Kamaii  
Kh niu Khum  
G niu Gaazing  
M niu Malii  
N niu Niugam  
Ng niu Nguna  
Ch niu Chakui  
S niu Singgiu  
Z niu Zungkhap  
H niu Hengset  
R niu Riam  
L niu Langpi  
W niu Wangkham  
Y niu Yo

## 1.8.2. SIUGIAK PAARABO ZAI

**a a: i e o u**

## Example

A niu Ariak  
A:<sup>1</sup> niu Chapa  
I niu Tiupi  
E niu Chaken  
O niu Chabon  
U niu Singku

---

<sup>1</sup> Haiga Colon khaibo ramba ra Lianglad gu Class Room ga bambo wan Schwa Vowel (ə) nai Normal Vowel (a) haitu si tam ra khaibo guye. Raobo ga ra Schwa Vowel tudi, Normal Vowel tudi Normal 'a' giak niu Represent thiune. Galo mai, Bodo, mai ra Schwa Vowel tu V nai Y giak niu Represent thiuye. Haisi Roman Letter ga Vowel giak ma-ngiuu ronna bambo donniuye.

## **DIPHTHONG**

ei niu **tei**

ai niu **kai**

oi niu talo**ina**

ui niu mar**ui**

iu niu thi**ura**

ao niu za**o**

ua niu chaku**an**

ia niu kari**a**

## **TRIPHTHONG**

iao niu ak**iao**